

## **2016KO UZTAILAREN 26AN UDALBATZARRAK EGINDAKO OHIZKO BILKURAREN AKTA.**

Udaletxeko Bilkura Aretoan, idazpuruko eguneko arratsaldeko zazpirak eta hogeita hamar minutu direnean, Alkateak deituta eta lehen deialdian, Udalbatzarra elkartzen da, jarraian adierazten gai zerrendarekin ohizko bilkura egiteko:

1.- AURREKO BILKUREN AKTEN ONARPENA (2016KO MAIATZAREN 2KO, MAIATZAREN 17KO, MAIATZAREN 30EKO, EKAINAREN 14KO ETA UZTAILAREN 11KO BILKUREN AKTAK).

2.- 2015EKO EKITALDIKO KONTU OROKORRAREN ONARPENA

3.- ALKATETZAREN ERABAKIAK.

4.- GALDE ERANTZUNAK

### **ETORRITAKO UDALBATZARKIDEAK:**

#### **ALKATE-LEHENDAKARIA**

Joseba Izaguirre Arocena Jna. (Zegama Lantzen).

#### **ZINEGOTZIAK**

Maria Pilar Elorza Inchausti And. (Zegama Lantzen).

Izaskun Igoa Arizcorreta And. (Zegama Lantzen).

Juan José Gorrochategui Larrea Jna. (Zegama Lantzen).

Ibon Zabaleta Urbizu Jna. (Zegama Lantzen)

Imanol Garmendia Iruretagoyena Jna. (EH Bildu).

Olaia Elorza Iñarra And. (EH Bildu).

Maria Luisa Gorrochategui Irastorza And. (EH Bildu).

### **EZ ETORRITAKO UDALBATZARKIDEAK:**

Urko Gomez Ropón Jna. (EH Bildu).

Idazkaria, Igor Alustiza San Vicente.

**1.- AURREKO BILKUREN AKTEN ONARPENA (2016KO MAIATZAREN 2KO, MAIATZAREN 17KO, MAIATZAREN 30EKO, EKAINAREN 14KO ETA UZTAILAREN 11KO BILKUREN AKTAK).**

Alkateak, 2016ko maiatzaren 2ko, maiatzaren 17ko, maiatzaren 30eko, ekainaren 14ko eta uztailaren 11ko bilkuren aktetan jasotakoari buruz nolabaiteko oharpenik adierazi nahi duten galdetzen die batzar-kideei.

Olaia Elorza Iñarra zinegotziak, uztailaren 11ko bilkuren aktaren onarpen atalean

adierazten dena zuzentzeko eskatuz, parkeko tresnak "gaztetxoentzat" zuzentzea proposatu zuela adierazten du, zuzenketa hori bideratzea adostuz.

Bestalde, maiatzaren 17ko aktaren 2. puntuari dagokionez, Udalak jasoko dituen etxea eta lokalarekin zer egingo den galdetu zutela adierazten da, zuzenketa hori bideratzea eskatuz.

Ez da bestelako oharpenik adierazten, eta beraz, aho batez onartutzat gelditzen dira adierazitako aktak.

## **2.- 2015EKO EKITALDIKO KONTU OROKORRAREN ONARPENA**

Espedientea ikusirik

Gipuzkoako Lurralde Historikoko Toki Erakundeen Aurrekontuei buruzko abenduaren 19ko 21/2004 Foru Arauaren 63. atalean ezarritakoaren arabera, Udaleko 2015Eko Kontu Orokor hauek jendaurrera jarri ziren.

Dagozkion argitalpenak, 2016ko ekainaren 27ko 121. zenbakia duen Gipuzkoako Aldizkari Ofizialeko alean eta Udaleko iragarki oholean egin ondoren, erreklamazioak, eragozpenak eta oharpenak jaso ez direla kontuan harturik, Udalbatzarrak, aho batez, honako hau erabakitzen du:

- 1) 2015eko ekitaldiari dagokion Kontu Orokorra onartzea.

Espedientearen kopia bat, Gipuzkoako Foru Aldundiari eta Euskadiko Kontu Epaitegiari bidaltzea.

## **3.- ALKATETZAREN ERABAKIAK.**

Idazkariak, azkeneko ohiko bilkuratik, Alkateak hartutako ebazpenen berri ematen du:

- 09/0716 erabakia, uztailaren 12koa, lursailak bereizteko baimena emanez.
- 010/0716 erabakia, uztailaren 15ekoa, kamioi bidez lurak eramateko Zuloaga bidea erabiltzeko baimena emanez.
- 011/0716 erabakia, uztailaren 15koa, Ostatua eta Kasinoko fakturak onartuz.
- 011/0716 erabakia, uztailaren 15koa, Iturrioz Eraikuntzak enpresari, Anatxe bidea konpontzeko lanak esleituz.

## **4.- GALDE ERANTZUNAK**

- Olaia Elorza Iñarra zinegotziak (EH Bildu) barraketan jartzen den musika euskaraz izan daitekeen galdetzen du. Zentzu honetan, Alkateak adierazten du, proposamena ongi iruditzen zaiola, eta horrenbestez, barrakak jarriko dituztenei euskal musika jartzeko eskaera luzatuko zaiela. Era berean, Izaskun Igoa Arizkorreta zinegotziak (Zegama Lantzen), duela urte batzuk euskal musika CD bat banatu zela tabernari eta barrakarien artean, eta antzeko ekimena bideratzea ontzat irizten da.

- Imanol Garmendia Iruretagoyenak. (EH Bildu), jaietako suziria Estanko

Tabernako Maribel eta Emiliok botatzeko proposamena egiten du, zenbait herritarrek adierazi diotenaren arabera. Zentzu honetan, gaiaz eztabaidatzen dute bilkurakideak, proposamenaren aldeko iritzia azalduz. Alkateak adierazten du, saiatuko dela proposamena bideratzen, hau lortzea zaila izango dela adieraziz ere.

Aztertzeo gai gehiago ez dagoenez, hasieran aipatutako eguneko arratsaldeko zazpirak eta berrogeita hamabost minutu direnean Alkateak bilkurari amaiera ematen dio, esandakoa jasozazteko, nik egiazaturiko eta Alkateak sinaturiko akta hau egiten dudalarik.

**Eginbidea.**

Aurrean transkribaturiko akta, ..... orri dituela jasozteko, zenbakidun paperan ..... zenbakitik ..... zenbakira eta Udalak emandako zenbakietan, ..... zenbakitik ..... zenbakira jasota geratu delarik.

Zegama, 2016ko .....k .....

**O.E./ V°B°  
ALKATEAK/EL ALCALDE**

**Diligencia.**

Para hacer constar que el acta que antecede tiene ..... folios, numerados del ..... al ..... en número de papel timbrado y del ..... al ..... en numeración dada por el Ayuntamiento.

Zegama a ..... de ..... de 2016.

**IDAZKARIAK/ EL SECRETARIO**